



SIUMUT Inatsisartuutit

Januarip 20-at 2012

Matumuuna Inatsisartut suleriaasianni § 37 imm 1 naapertorlugu Naalackersuisunut apeqquteqarpunga:

1)

London Miningip Isukasiani saviminissamik paaalersaarlutik suliniutaanut atatillugu maannaqqissaaq misissueqqaarnissaminnut nunaminertamik annertunerusumik atuinissaminnut qinnuteqarnerat tusarniutigineqarluni ingerlanneqarpoq, 21. januarimut killilernerqarsimasumik. Tusarniutigineqartumi allassimavoq "qinnuteqartoq aatsitassanik paaanissamik siunertaqarpoq". Naalackersuisut politikkerivaat suliniutit qaleriisillugit ingerlatissallugit, tassalu misissueqqaarnissamut tunngasut aammalu paaanissamut tunngasut tusarniutigissallugit? Aammalu sooq tusarniutigineqartoq kingulleq pineqartoq nittartakkatigut tusarniutigineqarnera takussutissartaqanngitsoq?

2)

Naalackersuisut pilersaarutigivaat nunaminertaq tuttuq piaqqiorfigisaat misissueqqissaarnissamut atugassiillutik akuersissutigissallugu, taamaassimappallu innuttaasut taanna pillugu isummersortikkumallugit ataatsimiititsinerit tusarniaanerillu ingerlatilersarneqarpat?

3)

Saviminissamik misissueqqissaarnissaq pillugu tusarniaaneq ingerlanneqartoq 21. januarimut killilernerqarsimasooq ingerlanneqarnerata nalaani nittartakkatigut tusarniutigineqarsinnaannginneranik suna nassuiaatissaava, aammalu suli taanna tusarniaavigineqarluni suli naammassinngitsoq allamik tusarniummik ingerlatsisoqarpoq martsip 7-anut killilernerqarsimasumik tassalu saviminissamik paaassamaarnermik siunertaqartumik pissarsiareersimaneraaneq oqaasertaliunneqarsimavoq taassumalu qinnutigaa tusarniutigalugu 40 km aqqusinniornissaq, mittarfiliornissaq, campsiliornissaq pingasunik tamarmik 50-init inigineqarsinnaasut, kuuk ikaarlugu ikaartarfiliiasaq 110 meteriusoq. Naalackersuisut ilisimavaat misissueqqaarnissamut suliaq suli tusarniutigineqarnerani allamik tusarniuteqartoqartoq akuersissummik pissarsiarinnereersimasutut taaneqartumik?

(Aleqa Hammond, Siumut)

Tungavilersuut:

Naalackersuisut siulittaasuata oqariatuutigeqqippaa oqaloqatigiinneq aammalu ammasumik ingerlatsinissaq. Aatsitassanut naalackersuisoqarfiup paasissutissiinermut amingartumik ingerlatsinerata takutippaa killormuanik naalackersuisoqarfiit ingerlanneqartut. Paasissutissanik aallerniarneq pissarsiniarnerlu erloqinarput isumaqarpungalu innuttaasut aammalu nuna tamat oqartussaaqataaffianut naapertuutiginngitsoq apeqqutit pingaaruteqarluinnartut inuiaqatigiinnit pissarsiariuminaannerujussui aammalu malinnaatitsinnginnerujussuaq siunertarineqartumut uniuuttoq, pissutissaqartippaangalu qulaani pineqartut apeqqutigissallugit.

Kissaatigaara apeqqutima ullut suliffiusut qulit qaangiutsinnagit akineqarsimassasoq.